

# Марий калык йоратыме поэтшым шарна



МССР-ысе — «Марий Эл Республикысе шемер-влак марий литературын классикше, мемнан землякна Николай Семенович Мухинын шочмыжлан шүдö ий темме кечым пайрем семынак палемдышт.

Мемнан фотокорреспондентна В. Петров шке репортажшым лудшо-влакым республикынан культурный илышыштыже лийше тиде күлешан событий дене палдара.

**СНИМКЫЛАШТЕ:** МССР Писатель ушем председатель Н. Ф. Рыбаков Моркышто поэтын творчествож нерген докладым ышта; пайрем концертыште лийше-влак; районнан делегацийже Н. С. Мухинын Олыкъялысе музей пörтыштыжö; поэтын ученикше, республикын заслуженный врачше М. Г. Григорьев каласкала; Марий драмтеатрын залыштыже — пайрем кас; Н. С. Мухинын үдыржö Роза Николаевна Александрова ойла.

Ончыч увертарыме ыле:

23 ноябрьыште Моркышто Н. С. Мухинын шочмыжлан 100 ий темме кече лүмеш торжественный погынымаш лийын. Марий литературым негызлыше-влак кокла гыч иктыжын юбилейжым республикынан рүдö олаштыжат палемденыт.

Н. К. Крупская лүмеш Марий педагогический институтеш (тушто Николай Семеновичат тунемын) мемориал онгам пижыктыме. А 26 ноябрьыште Шкетан лүмеш Марий государственный драматический театрыште юбилей пайрем кас эртен. Тудым МССР Писатель ушем председатель Н. Ф. Рыбаков почын. Н. С. Мухинын творчествож нерген докладым «Марий коммуна» газетын редакторжо В. А. Матюшев ыштен.

Поэт нерген поро ойым поэт С. В. Николаев (тудлан «Шужо тыланда» у почеламутым пöлеклен), Н. С. Мухинын үдыржö Р. Н. Александрова, поэтын ученикше (тудо Арын йоча пörтышты



тунемын), республикын заслуженный врачше М. Г. Григорьев, туныктышо пашан ве-

теранже З. С. Анисимова, Марпединститутын доцентше И. С. Иванов каласенят.





**Мухинын  
пьесыж  
гыч сценка**

**СНИМКЫШТЕ:** Тыгыде Морко сельский Культура пörтын самодеятельный артистше-влак Николай Семенович Мухинлан 100 ий темме кечылан пöлеклалтше торжественный касыште «Чоя рывыж ний опышеш пижеш» пьесыж гыч ужашым мастарын модын ончыктеныт.

**В. ПЕТРОВЫН** фотожо.



**Н. С. Мухин**

**Эр**

**(Пушкин гыч)**

Эр ўжара волгалтын  
Шарла  
курык шенгечын.  
Вўд шенгелсе ялыште  
Тул йбралеш

пörтыштö.

Эр лупс дене

нöралын,

Шудо шога пеледын.

Олыкышто вольыкшат

Пижеш шудым

кочкашат.

Ошын койын,

пылышке.

Нöлталтеш тўтыра.

Кайыккомбо, шудышко

Волен шинчын,

кычкыра.

Марий, помыжалт,

нурышко.

Лектын кая пашашке.

Чевер кече лектале,

Сандалыкшат куанале.

1916.

